

# CCB Zytig

s Clique-Organ vom Central Club Basel

Wo öbbe drei Wuche vor dr Fasnacht unsers Goschtüm immer no d' Form vo Stoffballe ka het, hät me scho könne meine, ass es dasmol wirglig z knapp wird und mir no Fasnacht in Zivil mache mien. Zum Glügg hän mir denn no öbbe alli läbende Schniiderinne vo dr ganze Umgäbig könne uftrüibe, wo uns doch no e baar Hose gnäit hän. Alli hän nomol flyssig im Atelier Ysatz gleischtet und traditionsgmäss sin mr in letschter Sekunde denn doch no sowyt gsi, ass mir goschtümiert hän könne dur d Strosse zieh. Au wenn unseri Hose nid

grad unbedingt s Bequämschte gsi sin, was me sich hät könne vorschelle, isch unsers Sujet bim Publikum eimol me wider grandios ako. Au im Querschnitt sin mir super zur Gältig ko und d ,Clique mit de Hose' würde einigi nid so schnäll vergässe.

Normalerwys würds jetzt wi- der bitz ruiger zue und här go, do aber s Jubeljoor vor dr Düre stoot, wird's notlos wytergo. Scho bald wird an dr GV dr erschi Deil vom Jubelprogramm vorgeschellt und bald würde mir au scho alli flyssig am Yebe si, drmit mir denn am Drumme- li nägscht Joor e mindeschents sone gueti Figur mache wie das Joor an dr Fasnacht.

Steffi & Marco



**Stammverein Syte 2** - s` Wort zum Guido - Bummel - Fasnacht - Agända - **Jungi Garde Syte 6** - Agända - Bummel - Fasnacht - **Alti Garde Syte 10** - Fasnacht - Fasnacht auf der Couch - Bummel - Agända - **Allergattig Syte 14** - Offiziells - **100 Joor CCB Syte 15** - Neu im Stamm - E paar Zycle vom Passive-Bisitzer - Aaschlagbrätt - **Die Letscht Syte 20** - Hesch scho gwüsst ass - Fottialbum



Liebe CCBlerinnen, liebe CCBler

Arlesheim, Merz 2010

Die Fasnacht 2010 wurde geprägt vom 100-jährigen Jubiläum des Comités. Dass wir mit 99 Jahren CCB (oder nicht ganz 100) einen Beitrag dazu leisten konnten, war aus meiner Sicht ein Glücksfall. Das Blenden des Scheinwerferlichtes wurde dann beim Querschnitt mehr als entschädigt. An dieser Stelle danke an Beat Manetsch und sein Team.

Die Vorbereitungen wurden dieses Jahr, durch den Ausfall der Schneiderin drei Wochen vor der Fasnacht, zur Herausforderung. Doch wie immer konnten wir gerade noch rechtzeitig die Hosen mit allem Drum und Dran entgegennehmen. Ich danke allen, die tatkräftig mitgeholfen haben und auch fürs Verständnis der teilweise kurzfristigen Spezialübungen – wie gewohnt „CCB-like“!

Nachdem alle den „Einstieg“ in die Hosen intus hatten, wurden wir am Mittwoch auf die Probe gestellt. Ein Platzregen füllte nicht nur die Piccolo...Als wir im Hotel Hilton einliefen, durchnässt bis auf die Haut, wurden wir mit ca. 40 bereitgestellten „Föhn-Stationen“ überrascht. Ein riesen Gaudi, die verschiedensten Stellen wurden „trocken-geföhnt“ – alle waren zufrieden und begeistert vom Service des Hiltons - vielen Dank ans Hotel Hilton, welches uns vor Lungenentzündungen und einem Stimmungstief bewahrt hat!

Rückblickend auf die Fasnacht 2010 kann man sagen – ein super Sujet, genial umgesetzt, mit einer sensationellen Laterne und einem bombastischen Zeedel. Aber auch der Tambourmajor und Vortrabschef haben uns souverän durch die Gassen geführt – vielen Dank!

Jetzt dürfen wir gespannt sein – nächstes Jahr feiern wir unser 100-jähriges Jubiläum. Es wird einiges los sein, ich freue mich schon jetzt auf eine ereignisreiche und spannende Zeit. Verpasst also die GV vom 27. Mai nicht, dann „startet“ unser Jubel-Marathon mit „Smiles and More“...

Dr Obmaa  
Guido Jäggi



## Impressum



### Redaktion

Steffi Bürgin  
Peter Ochs-Str. 61  
4059 Basel  
[redaktion@ccb1911.ch](mailto:redaktion@ccb1911.ch)

### Layout/Satz

Marco Baumann  
[marco-baumann@bluewin.ch](mailto:marco-baumann@bluewin.ch)

### Auflage

370 Exemplare

### Druck

Druckerei  
Dietrich AG  
Pfarrgasse 11  
4019 Basel

### Papier

100% chlorfrei gebleicht

### Adressberichtigungen

Andreas Künstle  
Frobenstrasse 41  
4053 Basel  
[andy.kuenstle@bluewin.ch](mailto:andy.kuenstle@bluewin.ch)

### Beiträge

Andi M. ZH  
Drummler  
Felix Meier  
Guido Jäggi  
Paul Müller  
Rosi Hüni  
Sibylle Brügger  
Tim & Robin  
Willy Bayer

### Redaktionsschluss CCB

Zytig Nr. 242  
03. Septämber 2010



## BUMMEL

### TALSTADT, BLEIKÜGELI UND FLEISCHFISCHE



Noch ere glungene Fasnacht freut sich e jede uff dr Bummel. Nur., wenn's denn amme sowyt isch, das heisst wenn y am Sunntig am 8i de morge uff dr Zug muess, denn isch myni Freud noni so gross; doch das leggt sich denne gli...

I hogg also im Zug no Basel, gniess d'Rue vom Friehuffsteher, e Zytig und dr erscht Kaffi. Ako, uff em Perron, stygt grad glychzytig au dr Erwin vo dr Alte Garde us, wo jo bekanntlig im Oschte dehai isch. Zämme pilgere mir in Spärber, wo sich die typisch Vor-Bummel-Atmosphäre yspielt: e jeedi freut sich uffenander, uff dr Bummel und vor allem freut sich e jee-de, ass er so frieh het kenne parat stoh! Und mi freut, ass die alti Garde so zahlrych verträdden isch!

Dr Alain het mit em Pasci dr Bummel organisiert, also trätte mr - im positive Sinn - an Ort. Scho vor em Spärber isch s' Programm losgange mit ere Talstadtfeierig vom Feinschte. Nur wenig hän wirklich kenne mit em Wüsse vo de drei Stadtfiehrere mithalte, und bald het sich zeigt, wär waiss oder aifach in dr Stadt in d' Schuel isch.....Hesch Du z.B. gwüsst, ass si uf d' Falknerstross uuse, als dert wo dr Birsig gflosse isch, regelmässig d' Hose off kha hän, oder ass dr Spalebärg bi Räge amme e grossi Schmieri gsi isch, so ass me Sparre - oder ebe uff guet kinesisch „Spalle“ - het miesse leege, oder ass d' Saue uff em Barfi scho domols in dr Nöchi vo dr Kirche gsi sin?



Beglaitet von ere aggressive Bryse hämr ys also d' Quartier in dr Innstadt loh erklä-re. Drno bin y aber scho e bitz iberrascht gsi, wo mr dr ganz Wäg bis zum Restorant Rhypark uuse gwanderet sin. Allerdings nid ohni e glaine süffige Zwüschehalt im

Rhygwäggikäller z'mache.... also dert, wo die disjähri Fasnacht ihre Ursprung kha het.

Im Rhypark bin y ganz uff myni Rächning ko. Mit grossem Hunger han y mi uff s' Fondue Chinoise gstürzt und vermuetlig - wie mängge andere au – heillois iberässe. Do sin die Verdauerli in Form vom Värs vom Präsident vo de Passive (Dangscheen!), d' Reed vom Obmaa Guido, d' Ibertritts-vorstellig vo de baide Dambure Tim und Robin und d' Bängg vom Alain willkomme gsi. Tim und Robin, euch dangge fir die kraftvolle Mätzli und willkomme im Stamm. Alain, dir dangge fir die neye und fyne Värs.

Bald isch me nervös worde, denn schliesslig isch es scho uff die vieri zuegane und wenn mr scho am vieri ruesse kenne, denne mache mr das au! Punggt 5 ab vieri simr also vor em Hotel Basel los und hän ys mit de Basler Bebbi d' Stadt deilt. Lang isch's aber nimme gange und d' Strosse hän sich so gfüllt, wie das nur amene Bummel kasch gse..... d' Läde sin nid off, es isch kai Fasnacht, und d' Stadt isch schlicht voll Lyt.

Gässle, pfyffe und immer wieder ain lo schlyffe, und gly het sich dä Bummelsunntig uff die letschi Stund zuegspitzt. No e letschte herrlige Marsch und adie Fasnacht. Dä Bummel isch e würdige Abschluss von ere sehr gnussvolle tolle Fasnacht 2010 gsi!

.... und jetz miesst nur no dr FCB uffheere Unentschiede mache, und dr Frielig wär grettet.....



Andi M. ZH

# Stammverein

Syte 4



# Stammverein

Syte 5



## Agända Stamm

**2010**

- 15.04.10 Dambuurehogg
- 22.04.10 Pfyffersitzig
- 06.05.10 Hauptversammlig
- 20.05.10 Yebigsbeginn
- 27.05.10 Generalversammlig
- 12.-13.06 Glygge-Grimpeli

**2011**

- 26.02.-05.03. Drummelschuel & Jubileeums-Uffdrift 100 Joor CCB am Drummeeli 2011
- 19.11.11 Jubileeums - Aaloss

immer aggtuell: [www.ccb1911.ch](http://www.ccb1911.ch)



**denn lyt am  
Drugger Dietrich aa**



Druckerei Dietrich AG  
4019 Basel  
Pfarrgasse 11  
Tel. 061 - 639 90 39  
Fax 061 - 639 90 30



## Agända Jungi



2010

12.-13.06 Gligge-Grimpeli

2011

26.02.-  
05.03. Drummelschuel & Ju-  
bileeums-Uffdrift 100  
Joor CCB am Drummeli  
2011

immer aggtuell: [www.ccb1911.ch](http://www.ccb1911.ch)



## Bummel

### VOM DRÄGGHUFFE IN SAUSTALL

Mer hän ys am niini am Morge im CCB Käller droffe. Deert simmer e-n-erschts Mol mit Gipfeli, Kaffi und Schoggi verkestigt worde. Druf abe simmer an d Schiffländiaabeglofe und hän de 36 Bus gno. Mir sin alli gspannt druf gsi, wo-n ys die Rais anefiere wurd. Mir hän nid schlächt gstuunt, naime im Industriehof Johann usgsty-Abligg vo de zwaise isch zuminunter ys e Liecht mir sin go d Kehaluege. Deert in e grosse Saal sehr nätti Heere chhäär au durch gfiehrt hänn. Name nimm iyy :-), härligs Dankerscheen an die Beide. Drufaabe simmer denn in d Säuli-Kantine, e Reschtaurant zwüsche dr Kehrichtverbrennig und em Haafe St.Johann, go ässe. Es het voorziiglig gmundet und nocheme Dreigangmenü (1. E Gmischts Salätli, 2. Ziiri Gschnätzlets mit Daigwaare und als Dessert het me sich deerfe zwische Schoggimousse oder Capuccinomousse entscheide), hämmer nomol unsere CCB Jung Garde- Jubelfilm gluegt. Drnoo hämmer is uff d Sogge zrugg zum CCB Käller gmacht, wo mer unseri Kiibel und Fleetli (Drummle und Piccolo) gholt hänn. Und scho ischs loos gange mit gässle. S'isch e duurch und duurch glatte Oobe gsi. So um die 6i simmer denn nomol in Käller zrugg, womer uff e Neus verpflägt worde sin. S'het Wienerli mit Brot und Chips gä. Denn hets no-n-e letschts Mol ghaisse: IISTOH! Und so hämmer in de letschte baar Stund die Fasnacht no würdig lo ussklinge. Do's unseri letschi Fasnacht gsi isch bi dr Junge Garde, wämmer ys an deere Stell ganz härligg bi allne Lyt bedangge wo-n-ys während deene 10 bzw. 12 Joor beglaitet hänn. MERCI!


Scheen isch si gsi die Fasnacht 2010, au wenn si doch mit e bitz Abschidsschmärz verbunde gsi isch. Jetz freue mir ys aber um so me uff e tolli Zyt mit em Stamm.






Tim & Robin

# Fasnacht

## PANIK IM SAUSTALL



# Jungi Garde



## Jetz längts ... mir ibernämmme d' Macht in Bärn!

MER HÄN GNUE ...

Jetz längts ... mir ibernämmme d'Macht in Bärn!“ Mer hän gnue vo däne Macheschafte, däm Pfusch und däm Hi und Här im Bundeshuus. Alles isch in dr letschte Zyt grumm gloffe, do muess doch ändlig e neui Mannschaft ane! Statt däm troschtloose Huffe dörte solle früschi Lüt – am beschte Fasnächtler mit Idee und Sprutz das Rueder übernäh – denne kunnts besser.

Also hämmer ys ussgrüschtet mit Helm, Panzerhemmli und Hellebarde. D'Sujetkommission het gly allne neui Uniforme entworfe, dr Däge e feyni Lampe, wo-n-ys dr Wäg uf Bärn gwiise het, und dr Walti Schäfer het unser Manifescht uff farbigem Papier gschrüibe. Mer hän ys guet ussgrüschtet.



Und denne ischs drum ganze, dr Marsch uff Bärn au so z'iebe, ass mer e tadellose Ydrugg uff d'Bevölkerig hän könne mache. Zum vermyde, ass dr schwyzerischi Ghaimdienscht vo unsere Vorberaitige Wind griegt, hämmer d' Marschiebig uff Haltige verleggt. Die kalti Byse het ys abgeertet, und in de Gaschtstube hämmer ys Muet gmacht für die riskanti Aggzion, wo vor ys gstande-n-isch.

Am Sunntig vor em Morgestraich het ys denn dr Walti Ziltener zue-n-ere letschte Lagebesprächig ins Restaurant Basilisgg uffbotte. Jede het syni Uffdräg griegt, und dr Mumm isch bi allne gwaltig agstiige. Mer hän kuum könne warte, bis es losgoht. D'Eidgenosse hän als friehner vor der Schlacht masewys Ziebele gfuetteret, mir hän-ys zytgemässer mit ere kalte Platte gsterggt...

Am Mäntig, 22. Februar, zmitts in dr Nacht, gnau gseit: am Morge am Vieri, hämmer ys zämmegrottet und sin vor em Hotel Basel uffbroche. Jede innerlig scho e Held, mit gschwellter Bruscht. Und mit Muusig. „Morgeschaich, die Alte, vorwärts Marsch“. D' Wänd in dr Innerstadt hän zitteret, wo mir ko sin. Unuffhaltsam simmer vorwärts gschtürmt zum Barfi, in Beglaitig von ere grosse Gruppe Sympathisannte (Stammverein und Jungi Garde). Dr Schwung, wo mer gha hän, het sogar no für e Zuesatrundi glängt, bevor mer denn unsere wohlverdient erschi Halt gmacht hän. Und so isch denn der ganz Morgeschtraich – bi Wind und Wätter – schwungvoll wyttergange, bis mer am Siebeni abkämpft und vom Erfolg ganz ermattet, im Pfaue pfläggt und verpfläggt worde sin.

— Weil mir meine Freiheit wichtig ist.



BOX. Die junge Haushaltversicherung der Winterthur.

Winterthur Versicherungen  
Hauptagentur Pratteln, Kurt Spörry  
Oberemattstrasse 33, 4133 Pratteln  
Telefon 061 826 90 40, Fax 061 826 90 54  
kurt.spoeri@datacomm.ch

Nah am Leben, nah bei Ihnen.

—winterthur

Am Nomidaag isch Abmarsch gsi in dr Bäumligass. Uss all-



ne Gasse sin die Fasnachts-revoluzzer ufftaucht: Ueli, Harlekin, Waggis und Dummpeter in Harnisch und Helm, agfiert vo-n-ere läbesluschtige Helvetia – e-n-ydrügglig Bild. Vor der Ladärne dr Vortrab as Dooteträber vo dr Demokratie (sprich: die siibe Bundesröt, in Beglaitig vomene Waibel), verfolgt vo däne, wo sy jage: dr Steinbrück, dr Yankee und dr Ghaddaffi.

Underem Jubel vo dr ganze Bevölgerig und vom Comité hämmer uffem Wäg ins Glaibasel unseri Entschlosseheit und kämpferisch Haltig demonstriert. Noch em Nachtässe im Basilisgg hämmer none baar Runde drait, bis ys dr Werni in d'Unterkünft gschiggt het.

Am Mittwuch ,s glych. Abmarschiert sin mer bim Alte Warteck. So grimmig hämmer ussggeh, as sogar dr Stammverain bim Verbylauf fe dr Schwanz yzoge het! Bim Nachtässe, wo-mer ys vomene Wolg-gebruch trognet hän, hämmer miesse feschtfstelle, dass mer bi däm unerhörte Marsch zwei Ma verlore hän. Dr aint, dr Rugelipauli, isch bi sym heldehafte Ysatz am Kneu verletzt worde, und dr Bayerwilly het sich völlig ussgäh und isch erschöpft ussgschiide. Beide giengs aber wie-der guet, hett me in dr BaZ könne läse.

Felix Meier

Wo mer am Donnschtigmorge gege die Ains unseri Rundene – und do drmit d'Fasnacht -beändet hän, simmer ys ainig gsi, ass mer däne z'Bärn nonemol e Chance gän. Die solles nomol brobiere! Aber: mer basse-n-uff!



## S'isch allewyl "Fasnachts-Zyt" im Hotel Basel.




**Basler Keller · Münz · Sperber – Gastlich und freundlich.**

am Spalenberg · Münzgasse 12 · CH-4051 Basel Telefon 061/264 68 00 · Fax 061/264 68 11

## Fasnacht auf der Couch

Ende Januar machte es Rrrrumms und ich fiel zwei Treppenstufen hinunter. Der erste Gedanke war: sch....., Fasnacht? Später im Spital haben Walter Ziltener und René Meier mir angeboten, einen Rollstuhl und einen Helfer zu organisieren, damit ich doch noch an der Fasnacht teilnehmen könnte. Vom Spitalbett aus war das eine gute Lösung. Am 8. Februar konnte ich das Spital verlassen und merkte dann zu Hause, dass ich absolut nicht in der Lage war, einigermassen selbstständig zu gehen. 10 Tage vor der Fasnacht musste ich meinen Traum aus diversen Gründen begraben und der Alten Garde CCB meine Teilnahme absagen. Für mich war es ein einschneidender Entscheid, aber im Nachhinein der richtige.

Zum Zeitpunkt des Laternenabholens sass ich also auf der Couch und fühlte mich so allein gelassen. Ich wäre so gerne dabei gewesen. Seit der Entlassung aus dem Spital habe ich mich richtet, dass alles im kleinsten Maßstab funktioniert. So übernachtete ich dann im Wohnzimmer, damit ich Fernbedienung erreichen kann. Schaltete ich den Fernseher in diesem Kasten, Laternen, dem Bildschirm vorbei ziehen. Ich dann abgeschaltet, aber mir noch einmal die Wiedergabe. Zappte ich zwischen SF DRS. Zur Beruhigung lag das Piccolo CCB vorbeigehen sollte, ich Aber es sollte nicht sein. So in reduzierter Form und es ein Schauspiel sehen. Es war ich nicht weit von der Innenstadt vom Trommeln und Pfeifen entfernt. Das war gut so, denn sonst wäre es viel schlimmer gewesen. Der Fernseher war dann drei Tage mein Fenster zur Fasnacht. Ich sah jede mögliche Sendung und fühlte mich damit nicht ganz so ausgeschlossen. Die Zusammenfassungen im Fernsehen waren dann nochmals ein kleiner Trost.



Ich hab's überlebt! Das Fasnachtskostüm und die Larve lagen die ganze Zeit im Wohnzimmer und werden nun im Keller verschwinden, damit ich sie irgendwann doch noch tragen kann. Diese Erfahrung zeigt mir, dass Fasnacht von der Couch aus auch geht. Aber es ist doch nicht das Gleiche wie selbst im Getümmel zu sein und die kalten Finger oder den Regen zu spüren.



▲ Steuer- und Unternehmensberatung

▲ Buchhaltungen

▲ Liegenschaftsverwaltungen

▲ Wirtschaftsprüfungen

**HÄGI  
TREUHAND  
AG**

Wartenbergstrasse 41, 4020 Basel  
Tel. 061 378 88 00, Fax 061 378 88 22  
[info@haegi-ag.ch](mailto:info@haegi-ag.ch), [www.haegi-ag.ch](http://www.haegi-ag.ch)



Rosi Hüni

## Bummel

### DR FASNACHTSBUMMEL VO DR ALTE GARDE ODER STURM UFF`S BUNDESHUUS

Wo-n ich d` Yyladig fir dr Fasnachtsbummel bikoo ha, bi-n-ich e bitz irritiert gsi. Do seh-n-ich in dr Mitti s` Bundeshuus hinder däne Wasserfontäne und obe links e-n ordelig verkramptfe Dambourmajor, wo statt fiire, zrugg luegt. Bis do ane ha-n-ich dänggt, das drifft sich jo guet, am Bummel luegt me schliesslig zrugg. Wo-n-ich denn aber ha afo läse, ha-n-ich mi um ebbe dryssig oder nomeh Joor zruggversetzt gfyhlt. So in die Zyt, wo-n-ich als AdA (fir Nitmilitarischte: Agheerige vo dr beschte Armee vo dr Wält) ab und zue ha derfe, sotte, miesse in d` Schlacht zieh. Genau es so het` s deent: «Zämmerottig in dr Kasärne», «Befälsusssgoob», «Transportmittelbeschaffig», «lebigsabbruch», «ainzelsprungwyys», «zruggblibeni Kamerade» (wär immer do drmit gmaind gsi isch), «Kommando bym Adjudant» und lutter so Zyg`s isch do gschtande. Aifach e martialischi Sprooch. Nu so denn, y bi glyych gange, s` isch jo schliesslig im Fasnachtsbyydrag inbegriffe gsi. Und so isch es denn ko, wie`s het miesse.

No dr «Zämmerottig» im Spärber sinn mir uff`s fäldgriene Drämmli und sinn gfahre bis ..... zem Zyyghuus, de glaubsch es aifach nit. Dert sinn mir vom Rosi empfange worde, wo jo bekanntlig nit het könne Fasnacht mache und am Bummel no-n-e kleini Brise Fasnachtluft hett welle schnuppere. Mir winsche im Rosi au an däre Stell wyterhin gueti Besserig! Im Zyyghuus inne het ys denn dr Christoph mit sehr ussfierlige Wort erklärt, worum s` Zyyghuus Zyyghuus haisst, nämlig well me dert inne s` Zyyg uffbewahrt. Und dass me nur in dr Schwyz Zyyghuus sait, in allne andere Länder, wo me Dytsch redet, sait me Arsenal. Zudäm het är ussgfiehrt, dass äs sich by däm Zyyg um Waffe und militärischi Ussrüschtings-Gegeständ handlet. Ich ha s` Schlimmschte befürchtet. Wo-n-är denn aber erklärt het, dass es in däm Zyyghuus hitte kai settigs Zyyg meh haig, s` trotzdäm aber no Zyyghuus haisst, well`s immer so ghaisse het, scho wo` s no dert gstande isch, wo hytt s` Kollegiegebäud vo dr Uni stoht, und me hitt dert inne aifach anders Zyygs macht, ha-n-ich mi afoo beruhige. No däm Referat hänn mir denn e hochgheimi Fotidokumention z` seh griegt, so sträng ghaim, dass ich do drierer nit brichte darf. Stamme duet die Diaschau vom Armeefilmdienscht, wo im Althaus unterbrocht isch. Fir ei Bild ha-n-ich nonem Ussfille vomene schriftliche Gsuech und em Ableege vo mindeschdens drei Eidesschwür d` Erlaubnis fir dr` Abdrugg bikoo. Es zaigt acht neyi Vordräbler vo dr Alte Garde, wo scho flyssig am lebe sinn. Bravo Ruth und Hansueli Althaus, dasch e super Schau iber d` Fasnacht vo dr Alte Garde und Vorberaitige druff gsi! Härzlige Dangg!



Statt Waffe hänn mir denn Gleser gfasst und hänn uff der rund Geburtsdaag und uff Keeschte vom Ärnscht Ammon aagstosse. Härzlige





## Agända Alti

**2010**

- 28.04.10 HV
- 27.05.10 GV
- !! Yebigsafang vor de Summerferie
- 18.09.10 Herbstbummel

**2011**

- 07.01.10 Jooresfyr
- 26.02.-  
05.03. Drummelschuel & Jubileeums-Uffdritt 100  
Joor CCB am Drummeli  
2011

immer aggtuell: [wwwccb1911.ch](http://wwwccb1911.ch)

**Neth AG**  
Sanitär

Auf dem Wolf 21 Basel Tel. 313 10 10

Die gmietligi Baiz  
z`mitts in dr Altstadt

---

Im 1. Stogg  
s`haimelige Lokal  
zum feyn ässe

## Restaurant Gifthüttli

Schneidergasse 11

4051 Basel

Tel. 061 / 261 16 56

Fax 061 / 261 14 56

Dangg Ärnscht und blyyb gsund und munter!

Nodäm mir gsterggt, lycht alkoholisiert und zum Glegg waffelos s` Zyyghus wieder verloo gha hän, sinn mir mit em Drämmli wyterfahre und hänn denn dr erscht Fuessmarsch adrätte. Mir hänn ys zem AMP verschobe (fir Nitmilitarische: Armee Motorfahrzyg Park), wo aber eender AAP sott haisse (fir Alli: Alti Auto Parking). Das Huus, wo die drin stehn, gheert emene stadtbekannnte Abbruchunternähmer, wo fir aimool e Bauwärk nit abbroche und drfir umbaut het. Das Parking



haisst Pantheon, genau eso wie`s berühmtere Pantheon uff em Marsfält in Rom ([http://de.wikipedia.org/wiki/Pantheon\\_\(Rom\)](http://de.wikipedia.org/wiki/Pantheon_(Rom))). Säll isch worschwynig e Tämpel und speeter Grabstätt fir krönti Häupter gsi, das z Muttenz e Tämpel für Frind vo alte Auti`s (neydtsch: Oldtimer), woby ainzelni Karosse durchuss



dr Ydrugg erweggt hänn, als wurd s` Pantheon au zu ihrer Grabstätt. Ich sag Eych, das Ding isch s` Resultat vo-n-ere Superidee und s` lohnt sich e Bsuech, am beschte mit em Herr Axt oder em Herr Wenger als Fiehrer (muesch aber luege, dass dy wider kasch leese). Wie im Zyyghus keini

Waffe, hänn mir im Pantheon au keini Fahrzyg kenne mitnäh, so dass mir ys wyters mit de öffentliche Verkehrsmittel hänn miesse begniege. Do mir ys vor dr Autoschau bim Brüderli agmässe und delikat gsterggt ka hänn, hänn mir das guet breschtiert. E-n-Amusebouche, e gmischte Salat, Saltimbocca mit Safranryys und Gmiess, und zem Abschluss e Tiramisu vom Feinschte. Toll! By däm Ässe isch denn au eine vo de Höhepüngett vom Daag iber d` Bihni. Unsere Generalstabschef het in kurze und prägnante Wort e Haffe Danggscheen ussgsproche. Däne wo im Atelier gschafft hänn, däne wo`s Sujet ent-



wigglet hänn, em Zeedeldichter, em Lampemooler, em Bummelorganisator Christoph Bürgin und em Armeefilmdienscht. Im Name vo allne wo drby gsi sinn, schliess ich my däm Dangg ganz härlig a. Merci vyylmool. Es hett aber au Platz ka fir e bsinnlige und emotionale Momänt. Dr Willy Bayer het mit emene sälber dichtete Värs bekannt gä, dass är uss gsundheitlige Grind sich muess als aktive Fasnächtler zruggzieh. Syt 60 Joor isch dr Willy im CCB und är isch immer e-n-engagierte CCB-ler gsy, wo vyyl fir dr CCB gmacht het, und zwoor vo ganzem Härze.

### Us Aggtiv wird Passiv

Ich ha dFasnacht immer als Kür erläbt  
und bi dur alli Gässli gschwäbt.

Doch jetz het si en ander Gsicht  
und isch statt Kür numme no Pflicht.

Noo 60 Joor im CCB  
duet mir dr Abschid scho no wee.  
My Gsundhait losts halt nimme zue,  
statt Fasnachtstrubel bruch ich Rue.

Drum leeg ich sPiccolo ufd Syte  
und dängg an all die scheene Zyte  
won ich als Aktive ha derfe gniesse.

Ab jetz duen ich Eych vom Strosserand griesse  
und bi ganz stolz wenn ich Eych see  
mini liebe Frind vom CCB.



Liebe Willy, ganz härlige Dangg dass Du so lang mit uns Fasnacht gmacht und Du Dy fir der CBB allewwyl e so stark engagiert hesch. Mir hänn Dy als Pfyffer , als Frind und Mensch immer sehr gschätzt und hoffe, das no lang derfe z'mache. Mir wünsche Dir gueti Gsundheit und no vyli fröhligi Stunde in unserem Kreis!

Zrugg in dr Stadt, isch's denn wieder militärisch zue und här gange. Zerscht hänn mir, well e baar wäge däne begaischterete Fiehrer im Pantheon nit rächtzytg ewäg und drum z spoot bym Hotel Basel akoo sinn, kollektiv e 20 Minute Stroof ygfangen. Drno sinn mir uff dGass und hänn getreu em militärische Grundprinzip, all Stund z` raschte, unseri Pause jewylys stündlig dur e wytere Umgang mit Drummlle und Pfiffe unterbroche. S isch herrlig gsy und am Zähni hänn mir mit em Saggodo die diesjärigi Fasnacht ändgültig bschlosse. Si blyybts ys als guete Joorgang in beschter Erinnerig und git ys Energie, um die näggscchi Fasnacht motiviert aazgoo und zümftig z' juubiliere!

baar wäge däne begaischterete Fiehrer im Pantheon nit rächtzytg ewäg und drum z spoot bym Hotel Basel akoo sinn, kollektiv e 20 Minute Stroof ygfangen. Drno sinn mir uff dGass und hänn getreu em militärische Grundprinzip, all Stund z` raschte, unseri Pause jewylys stündlig dur e wytere Umgang mit Drummlle und Pfiffe unterbroche. S isch herrlig gsy und am Zähni hänn mir mit em Saggodo die diesjärigi Fasnacht ändgültig bschlosse. Si blyybts ys als guete Joorgang in beschter Erinnerig und git ys Energie, um die näggscchi Fasnacht motiviert aazgoo und zümftig z' juubiliere!

Dr Drummler

**Lischer**  
ALLROUND-MARKETING

Tel. 061 483 17 29  
Mobile 079 644 44 85  
Fax 061 483 17 28  
info@lischer.ch

Für kleine und mittlere Unternehmen bieten wir:  
**ALLES!**

[www.lischer.ch](http://www.lischer.ch)

Fragen Sie uns **ALLES!**  
....wir sind für Sie da!

**Die Brasserie mit Pfiff**



**JUSTIN UNTERNAHRER AG**

Elektro- und Telefonanlagen  
Reparatur-Service  
Beleuchtungskörper und Haushaltgeräte



Hegenheimerstr. 97

4055 Basel

Tel. 061/382 72 72

Fax 061/382 72 78

[email@unternaehrer-ag.ch](mailto:email@unternaehrer-ag.ch)

[www.unternaehrer-ag.ch](http://www.unternaehrer-ag.ch)

P vor dem Hause



# Allergattig

Syte 14



## Offizielles 2010 E ZÄMMEFASSIG

**Coach:** Fabienne Stocker

**Start:** Donnschtig, 28. Januar 2010, 18.00, im Karthäusersaal.



D Belina mit dr Startnummere 306 isch laider grangg worde.

Do het d Fabienne afo ummedelefoniere und e Stellverträdderin organisiert: D Leonie het die Herusforderig aagno. Dasch am drei am Nommidag gsi!! D Leonie het denn no kurz d Märsch duurepfiffe und isch mit em Goschdym im Sagg aadanzt. Dorum hets au e Änderig in de Startnummere gä.

Mit dr **Nummere 306** isch d Alexandra an Stell vo dr Belina und d Leonie isch mit dr **Nummere 328** an dr Stell vo dr Alexandra gstartet. Alles klar oder? Also:



Konkurränt mit dr **Nummere 306** isch d Alexandra Schaller; Marsch: Ryslaifer Sie isch wyterko ins Final mit dr Startnummere 30

Konkurränt mit dr **Nummere 328** isch d Leonie; Marsch: Dudelsagg S het laider nit ins Final glängt. E riisigs Komplimänt an d Leonie, dass sie so kurzfristig ygsprunge isch. Sie hets mit Bravur gmaischteret.

Noch de Junge sin die «Alte» dra... und zwor d Nadine Mühlemann. Sie startet mit dr **Nummere 718** im Karthäusersaal, in dr Vorusschaidig Alti Einzel; Marsch: Naarebaschi S het laider nit ins Final glängt.

D Fabienne isch vom Karthäusersaal ins Schalander für d Voruusschaidig Alti Einzel graast. Sie startet mit dr **Nummere 743** und pfyfft e perfäggte Fischmärt!!!! Si isch wyterkoh ins Final mit dr Startnummere 136.

Dr Oobe isch no lang... 23.10 Solo/Duo isch no uff em Brogramm. D Fabienne und dr Thom mit dr **Startnummerere 956** stöhn uff dr Bühni im Wettstaaisal und pfyffe und drummle zämme dr Dudelsagg. S het laider nit ins Final glängt. S het sehr viel Konkurränte kah, zem Dail mit sehr sehr hochstehende Darbietige.....

Frytig, 29. Januar 2010 Vorusschaidig Jungi Grubbe, Pfyffer Schalander, 18.40. CCB-Pfyffer-Grubbe mit dr **Startnummer 509** pfyfft dr Dudelsagg. S het laider nit ins Final glängt.

Do no e glains Detail: D Belina isch no grangg gsi, dorum het d Nadine in dr Nacht vom Donnschtig uf e Frytig die 2. Stimm vom Arabi gleehrt und dr Luca isch au no ygschprunge und het die 1. Stimm vo dr Nadine überno. Y waiss, das Ganzi isch e bitz konfus, aber s isch halt eso gsi! Ains isch sicher: D Pfyffer-Grubbe het alles gäh!

Und es isch immer no Frytig: Vorusschaidig Alti, Dambare Grubbe Meriansaal, 21.35. Dr Thom, Marco und Markus mit dr **Startnummer 810** ruesse dr Ueli. S het laider nit ins Final glängt. Au do isch d Konkurränz stark und s Niveau hochstehend.



## Und denn ändlig s Final....

Samschtig, 30. Januar, im Grosse Feschtsaal.  
 Final Jungi. Punggt Zwölfi gohts scho los.  
 D Spannig isch gross und d Düüme würde druggt!  
 D Alex mit dr **Startnummere 30** und als hellblaue Ängel, pfyfft e himmlische Ryslaifer und positioniert sich uf em 6. Rang!

Am säggsi Zoobe foht au scho s Final vo den Alte a.  
 D Fabienne mit dr **Startnummere 136**, immene wysse Hemmligunggi, steht 21.05 uf dr Bühni. Sie pfyfft wieder e sensationelle Fischmärt und positioniert sich uf em hervorragende 10. Rang!

Es sin e huffe CCBler an däm Oobe im Saal gsi, mr hän 2 Disch gfüllt und im Foyer sin au no e baar CCBler ummegschliche!!! E super Sach!!!!

E grosses Danggscheen an alli CCBler, wo mit gmacht hän. S bruucht viel Muet und gueti Närve uf d Bühni zsto und sich juriere z lo. Chapeau!! Dangge an d Inschtruggdore für die grossi Vorarbeit. Dangge an d Unterstützer wo sin go luege und loose.

E risygs Dangscheen goht an d Fabienne, wo die Junge instruiert, gschliffe und während em ganze Offizielle begleitet und coached het. Si isch au für die ganz Koordination zueständig gsi und het e super Job gmacht.



# 100 Joor CCB

## **100 JOOR CCB ODER «JUBELFLUG CHARLIE-CHARLIE-BRAVO ONE-NINER-ONE-ONE»**

Nach ere heerligge Fasnacht gniessie mir alli e bitz e rueigeri Zyyt. Alli? Nid ganz... E baar vom OK «100 Joor CCB» sin scho ganz flyssig, denn obwohl s' Joor 2011 no immer in wyter Färni schynt, goots bereits im Mai 2010 los! An dr Generalversammlig beände mir die no aktuell Saison und starte ins Jubeljoor. Und dorum isch denn au dr geigneti Momänt euch s' – zum Jubelflug bassende – Vyylfliegerprogramm vorzstelle. Mir erkläre euch, wie me Pünggt samble ka und vilicht wird au verroote, ob me die gsammlete Pünggt eventuell wider ka usgä.

Dir gseen, die kommendi Generalversammlig isch definitiv um e Attraktion rycher und dörf dorum uf kei Fall verbasst wärde! Löhnd euch uff s Jubeljoor ystimme und sind drby...



## Neu im Stamm

ZWAI DAMBUURE



**Vorname und Namme:**

Tim Voegelin

Robin Nidecker

**Wo gosch du in d Schuel, in weli Klass und mit was für eme Schwerpunggt?**

Gymnasium Oberwil 12. Klass, Schwerpungtfach Spanisch

Gymnasium Bäumlihof, 11. Klass, Schwerpungtfach Spanisch

**Was möchtsch gärn noch dr Schuel mache?**

Ins Usland go, wohrschinlig uf Australie, denn studiere, vilicht Mediewüsseschafte

E Zwüschejoor mache, evtl. in d' USA go und denn Medizin studiere

**Was sin dini Hobbies?**

Tennis, Fuessball, Säagle

Pfadi, Handball, Skifahre, Schlagzüg

**Wie lang bisch du scho im CCB und wie lang drummlisch scho?**

10 Joor



FALLS SIE SO EINEN  
ZUHAUSE HABEN:

JÄGGI LIEFERT AUCH  
**SCHALLSCHUTZTÜREN.**

**11.5 Joor**

**Wie oder durch wär bisch du in CCB ko?**

Durch dr Lucas Maciejewski (ex CCB JG)

Gérard Dietrich

**Uf was freusch du di im Stamm am meischte?**

Uf d Bleikügeli

Uf d Goschtüm

**Uf was bisch du im Stamm am meischte gspannt?**

Damburebummel

Damburebummel

**Was wirsch an dr Junge Garde am meischte vermis-**  
**se?**

Dominik Ziltener

Zittler

**Was wirsch an dr Junge Garde nid vermisste?**

S' Ässe

Unnötigi Ehrerundene

**Di Lieblingsmarsch:**

Baslermarsch

San Carlo und Bama



## E PAAR ZYYLE VOM PASSIVE-BISITZER IM RUGGBLIGG

S'ganz Joohr hesch als Passive nit vyyl z'tue; Zahlsch dy Bytrag und hesch dy Rue  
 Läisch eventuell und wenns guet goot; Was in der CCB Zytig als so stoot  
 Immerhin bekunnt me die, jo s'isch woer; Doch ebbe so viermool pro Joor  
 Jo, CCB-Zytig isch im Verglych mit der Baz ebbe gar nit dernäabe  
 Und informiert yber vyyl Interessants und Luschtigs us em Clique Lääbe  
 Vom Stamm, de Junge und au de Alte; Es isch so vyyl, de kaschs nit bhalte

Als Passive Bysitzer han ych e wichtigi Funktion; Vor allem als Zuschauer und als Pauseclown  
 Bi de Komissionssitzige , jo es hets sich so ergää; Darf y als au e Naase voll nää

Y bi beydruggt, do wird vyyl gschafft; Mit Härzbluet als die letschte Resärve zämmegrafft  
 Do gschpyrsch doch wirgglig no Kultur; Kreativität zämme verbunde mit Spass ganz puur  
 Y weiss, die Aggtive mien's Joor dure au an d'Segg und zwar ganz guet  
 Damits denn an der Fasnacht au so richtig Fääge duet

Nadyrlig bin ych als an Cortège gange; Und ha voll Hoffnig und au mit Bange  
 Gwartet uff der CCB; Won y doch ha welle aggtiv uff der Route gseeh  
 Und wenn y die grosse Hose voraa mit em Riese Hemli in der Färni ha gsee koo  
 Denn han ynymme kenne ruehig stoo

Und wenn si denn so mächtig und merzig by miir duremarschiert sin  
 Zämme mit der wunderscheene Ladäärne, jo y sags do ganz lut; Denn han bikoo verglemmi e  
 ganz diggi Hienerhut

Dr Uffdritt isch herrlig gsi und het greizt zem Lache  
 Gfroggt han y mi nur, wie dien die arme Kaibe als e Brunne mache  
 Jo bref, s'isch toll gsii und was y ha kenne gseeh  
 Het my schon e weneli Stolz gmacht uff der CCB

In däm Sinn liebi Aggtivi vo der CCB; Als Passive, mi Annerkennig und Dangg fir Eyri tolle  
 Leischtige

Fir die Physische und au die Geischtige  
 Und firs Näggscjtjoohr , do kasch dängge was de witt  
 Fir mi isch' s klaar, s'Hundertjährige wird e Riisehit.  
 Und zem Schluss, y hoff ihr kennet alli koo  
 s'git denn am Mittwoch au wiider e Passiven-Apéro.

Paul Müller, Passive Bysitzer  
 7. März 2010



Architekturbüro Linus Marti

Dornacherstr. 210      4053 Basel  
 Telefon/-fax:      061/ 331 11 01

Privat: Bruderholzstrasse 106  
 4053 Basel  
 Tel.      061/ 361 87 42

Möbellagerhaus  
 Umzüge

**FLEIG**

Fleig AG  
 Postfach  
 4006 Basel  
 Sternenhofstrasse 2  
 4153 Reinach

Fon 061-272 11 11  
 Fax 061-272 11 01  
[www.fleigumzuege.ch](http://www.fleigumzuege.ch)

CCB-Mitglied

# Urgattig

## Aaschlag

D REDAGGZION HET EN AIGENI EMAILADRESS: REDAKTION@CCB1911.CH KASCH ALLI BRICHT UND ALLES ANDERI WO MIT DR ZYTIG Z DUE HET ANESCHIGGE

AASCHLAGBRÄTT  
WOTSCH EBBIS DO ASCHLO DENNE  
SCHLÄSS AN REDAKTION@CCB1911.CH

WETTBEWÄRB  
WIE VYLL VO DENE GOLDIGE KNEPF FINDISCH IN DR ZYTIG?  
D LÖSIG KASCH AN REDAKTION@CCB1911.CH SCHIGGE UNDER ALLNE RICHTIGE LÖSIGE WIRD E BRY'S USGLOST.  
ME KA AU E POSTKARTE AN D STEFFI BÜRGIN SCHIGGE, D ADRÄSSE ISCH VORNE IN DR ZYTIG

DERIGE  
IRÄGGT EM  
FLE Z MÄLDE  
EAS KÜNSTLE  
NSTRASSE 41  
4053 BASEL  
BLUEWIN.C



CCB JUNGI GARDE DER FILM  
DR FILM VO DER JUNGE GARDE KA ME BSTELLE:  
FÜR DIE JUNGI GARDE 10.-  
FÜR ALLI ANDERE 20.-  
INDI MEIER, WEISSE GASSE 16, 4001 BASEL

NZZ 24.02.2010

Der «Central Club» spottet unter dem Titel «Merz-iehn der Schwanz yy – usseboliddysch korrägt» auf seinem «Zeedel» wunderbar über die Krisenbewältigungsstrategie des Bundesrates unter dem Präsidium von Merz, bildlich in Zusammenhang gestellt mit dem unangenehmen Gefühl zunehmenden Harndrangs:

Är saagi, haisssts in Phase ains,  
rain gar nyt zem aggtuelle Thema.  
Daas Thema, nämlig, syg gar kains.  
Biologisch wär das ebbe d Phase,  
wo s erscht Mool lychte Bloosdrugg  
verootet: Mit der Zyt git daas e Brunne,  
und es git kai Zrugg (...).

Jetzt stoot Phase drei bevor,  
jetzt muess men aifach laufeloo.  
Der Merz schwätzts Saich us vollem Rohr,  
und bi im deent daas esoo:

Der Drugg z verkenne lägg im färn,  
er wärf sy ganzes Gwicht in d Woog,  
driüber schwätzte kenn me gärrn,  
nur Noochgää kääm nid in Froog.

In Phase vier beschlycht en d Aanig,  
dass s Problem uff die Art nie  
z leese syg, und s paggt en d Pánik.

Was tun in dieser unbequemen Lage, in der sich unser Land offenbar befindet?

## SCHNITZEL

Mit Fraue in der Glygge isch s bekanntlig soone Sach  
Sy hänn en andere Humor und würde schnäller schwach  
Sy suffe kuum\_und finde starggi Gosdym ebbis schlächts  
S Paraaadebyschpil wäär doo s Theres, s Theres drummlet voorne rächts

uh\_uh\_uh-UH-uh deents vo voorne, wohrschynts wärs der näggschi Marsch  
Was hesch gsait? uh-uh-uh-UH-uh – verstand kai Wort, lägg mer am ...  
Jetz\_mien\_er Acht gää, jetzt kunnt d Pointe und er lached eich grad hii:  
uh-uh-uh-UH-uh – lached gfelligscht, das isch nämlig d Pointe gsi

Uff\_sym Wäag zem TV-Star kennt unsre Roosebärg kai Gnaad  
Am Mäntig zoobe setzt er sich in Szeene – schaber schaad  
S Bangghaimnis isch ihm egal won äär als Bangg uffdrift  
Scho frooge d Schwoobe obs die gfulzne Pointe au uff CD git



## Sonntags b'LUNCH

Einfach einmal Abschalten und sich vom hektischen Städleben zurückziehen. Unter b'LUNCH buffet ist die perfekte Kombination aus einem kleinen Frühstück und großem LUNCH.

Genießen Sie eine vielfältige Auswahl an gesunden und ausgewogenen Frühstückspecialitäten mit frischem Orangensaft, Kaffee und verschiedenen Teevariationen. Herzliche Wärme und leckere Köstlichkeiten verwöhnen Sie genau so wie unsere diversen Dessertvariablen.

Preise: 52.50 CHF inklusive Willkommens-Prosecco  
Kinder bis 12 Jahren: 50% Abrechnung je 1/2-teller preisentsprechende  
Trinkgeld je nach 100 CHF abrechnbar

Beginn: 11:00 Uhr

Resservierungen unter:

Tel.: 031 379 6559

[reservate.basel@hilton.com](mailto:reservate.basel@hilton.com)

[hilton.ch](http://hilton.ch)



## Die Dreispitz Management AG ist Betreiberin und zugleich Kopf und Herz des Dreispitzareals

Unser aufgestelltes Personal berät Sie gerne in allen Belangen rund um

- Administration
- Vermietung
- Parkraumbewirtschaftung
- Technik
- Infrastruktur
- Sicherheit
- Logistik
- Bahndienst

Wir kümmern uns um die Verträge sowie den Bau- und Unterhalt der Strassen und der Grünanlagen. Wir sorgen für Beleuchtung, Kanalisation, Einzäunung, Waagen, Reinigung, Parkraumbewirtschaftung, Gebäudeunterhalt und vieles mehr. Unsere Mitarbeiter der Güterbahn kümmern sich um alle mit der Schiene verbundenen Angelegenheiten.

Nehmen Sie Kontakt zu uns auf:

**Dreispitz Management AG** | Dornacherstrasse 400 | 4023 Basel | Telefon +41 61 335 40 00 |  
Fax +41 61 335 40 01 | [admin@dreispitz.ch](mailto:admin@dreispitz.ch) | [www.dreispitz.ch](http://www.dreispitz.ch)

Eine Tochtergesellschaft der Christoph Merian Stiftung

Hesch gwisst, ass d Dreispitz Management AG dr grossi Sponsor isch vom CCB?  
Au gheert si nit grad zue de Maagere,  
denn si duet uns're Grimbbel laagere!  
Und sottisch irgend ebbis von're ha,  
so zeegere nit lang und lyt schnäll aa!



# Die Letscht

Syte 20

## Hesch scho gwüsst ass

- D Rita Spaghetti pervärs findet?
- Dr Rose dangg mehrere Assistänte jetzt immerhin theoretisch weiss, wieme e Note-ständer ufstellt?
- Dr Werni N. am Bummel nid mit eme Maie umelauft, will er kei Zuchtmuni syg?
- Dr Andi M. Züri zum Lüt z verseggle, s WC im CCB Käller dur s Fänschter verlosst...?
- ... sini Klätterkünscht aber für nüt gsi sin, will s potentielle Opfer scho längschtens uf em Fäld vor em Käller hinter eme Busch verschwunde isch?
- Dr Peter B. nid Fan vo dr Paris Hilton, aber Föhn vom Hilton in Paris isch?
- D Chanti Muskelkater vom Bilderrähme schlebbe het?
- Unseri Sujetobfrau sich ihres Gstell vom Techniker im Hilton het lo ummontiere?

